

Na osnovu člana 25. stav (7) i člana 39. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 15. i 18. Statuta Općine Novi Grad Sarajevo ("Službene novine Kantona Sarajevo" broj 1/24), Općinsko vijeće Općine Novi Grad Sarajevo, na 33. sjednici održanoj dana 07.03.2024. godine, donijelo je

**ODLUKU****O USVAJANJU IZMJENA I DOPUNA REGULACIONOG PLANA "BRIJEŠĆE"****- vodosnabdijevanje u dijelu ulice Safeta Ahmetpahića (skraćeni postupak)**

## Član 1.

Usvajaju se Izmjene i dopune Regulacionog plana "Briješće", vodosnabdijevanje u dijelu ulice Safeta Ahmetpahića, po skraćenom postupku (u daljnjem tekstu: Plan), u dijelu faze Hidrotehnika - Snabdijevanje vodom i odvodnja otpadnih i oborinskih voda.

## Član 2.

Plan se sastoji od tekstualnog i grafičkog dijela.

- a) Tekstualni dio sadrži:
- 1) Odluku o provođenju Izmjene i dopune Regulacionog plana "Briješće",
  - 2) Tekstualno obrazloženje Plana.
- b) Grafički dio sadrži:
- karta 1. Pregledna situacija vodovodne mreže - Izvod iz Plana mj. 1:5000
  - karta 2. Situacija - dispozicija vodovodne mreže - Izvod iz Plana mj. 1:1000
  - karta 3. Pregledna situacija vodovodne mreže - Izmjena i dopuna Plana mj.1:5000
  - karta 4. Situacija - dispozicija vodovodne mreže - Izmjena i dopuna Plana mj.1:1000

## Član 3.

Po jedan primjerak ovjerenog elaborata nalazi se na stalnom javnom uvidu i čuva se u Općini Novi Grad Sarajevo i Zavodu za planiranje razvoja Kantona Sarajevo.

## Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-7211/24  
08. marta 2024. godine  
Sarajevo

Predsjedavajući  
Općinskog vijeća  
**Mirza Selimbegović**, s. r.

Na osnovu člana 13. Zakona o principima lokalne samouprave ("Službene novine Federacije BiH", broj 49/06 i 51/09), Zakona o sportu ("Službene novine KS" broj 45/12-prečišćeni tekst, 36/21), Odluke o provođenju javnog interesa Općine Novi Grad Sarajevo u oblasti sporta ("Službene novine KS" broj 31/01 i 15/03), član 71. Statuta Općine Novi Grad Sarajevo ("Službene novine Kantona Sarajevo broj 1/24"), Strategije razvoja Općine Novi Grad Sarajevo 2021-2027 ("Službene novine Kantona Sarajevo" broj 26/22), Općinsko vijeće Novi Grad Sarajevo na 33. redovnoj sjednici održanoj 07.03.2024. godine, usvojilo je

**ODLUKU****O FINANSIRANJU/SUFINANSIRANJU ČLANARINA U SPORTSKIM KLUBOVIMA DJECE I MLADIH SA PODRUČJA OPĆINE NOVI GRAD SARAJEVO****I - OPĆE ODREDBE**

## Član 1.

Ovom Odlukom utvrđuju se kriteriji, iznos sufinansiranja, način i postupak dodjele finansijskih sredstava Općine Novi Grad Sarajevo za članarine u sportskim klubovima djece i mladih (u daljem tekstu: korisnici sredstava) sa područja Općine Novi Grad Sarajevo (u daljem tekstu: Općina).

## Član 2.

Sredstva za finansiranje/sufinansiranje članarina u sportskim klubovima djece i mladih obezbjeđuju se u Budžetu Općine Novi Grad Sarajevo na poziciji /tekući transfer ekonomski kod 614300/GOA05/ a cilju podrške sportskim aktivnostima sa opredjeljenjem na masovnost i realizaciji mjere na unapređenja sistema podrške bavljenjem sportom djece i mladih, uvažavajući okolnosti otežanih uslova života/socijalni status, te stvaranja pretpostavki da organizovani sportski programi budu jednako dostupni djeci i mladim.

## Član 3.

Članarina u sportskim klubovima podrazumijeva naknadu na ime učešća u organizovanim sportskim aktivnostima.

**II – PRAVO NA DODJELU SREDSTAVA I NAČIN DODJELE**

## Član 4.

- (1) Pravo na dodjelu sredstava mogu ostvariti pojedinci koji ispunjavaju sljedeće uslove:
- a) da su državljanici Bosne i Hercegovine;
  - b) da imaju prebivalište na području Općine Novi Grad Sarajevo u trajanju od najmanje godinu dana prije podnošenja zahtjeva za dodjelu sredstava;
  - c) da su starosne dobi od 7 do 18 godina;
  - d) da su aktivni članovi sportskih klubova/društava;
  - e) da ukupna primanja porodičnog domaćinstva ne prelaze iznos 1.400,00 KM.

## Član 5.

- (1) Finansijska sredstva po ovom osnovu, dodjeljivat će se na osnovu podnesenih zahtjeva u skladu sa objavljenim javnim pozivom.
- (2) Javni poziv se objavljuje na web stranici Općine i ostaje otvoren do kraja tekuće godine odnosno do utroška sredstava planiranih za ovu namjenu.
- (3) Zahtjev za dodjelu sredstava podnosi se putem protokola, Službi za obrazovanje, kulturu i sport Općine Novi Grad Sarajevo.
- (4) Dostavljeni zahtjevi se rješavaju po vremenu prispjeća.

## Član 6.

- (1) Potrebna dokumentacija;
- a) CIPS prijava o mjestu prebivališta,
  - b) uvjerenje o državljanstvu
  - c) kućna lista,
  - d) dokaz o statusu i primanjima za sve punoljetne članove porodičnog domaćinstva,
  - e) potvrda kluba da je podnosioc zahtjeva aktivan član kluba sa navedenim iznosom mjesečne članarine,
  - f) kao i drugi dokazi na okolnosti otežanih uslova života.

## Član 7.

- (1) Maksimalan iznos članarine koji će Općina sufinansirati na nivou jednog mjeseca iznosi 50,00 KM, ukoliko je iznos mjesečne članarine manji od iznosa 50,00 KM, Općina će finansirati iznos cjelokupne članarine.
- (2) Isplata finansijskih sredstava na ime finansiranja/sufinansiranja članarine u sportskim klubovima vršit će se po osnovu zaključenog Ugovora sa korisnikom sredstava/starateljem.
- (3) Korisnik sredstava je dužan učestvovati u najmanje 80% od planiranih sportskih aktivnosti koje se na njega odnose tokom jednog mjeseca. Izuzetak su opravdani razlozi, za koje se moraju pribaviti vjerodostojni dokazi, koji se prilažu uz pravdanje dodijeljenih sredstava.
- (4) Finansijska sredstva će se isplaćivati u jednakim tranšama, najviše za četiri mjesečne članarine, nakon čega je korisnik sredstava dužan resornoj službi dostaviti dokaz o namjenskom utrošku sredstava ( dokaz o uplati članarine ) i potvrdu kluba o aktivnom prisustvu sportskim aktivnostima, kao uslov za nastavak finansiranja/sufinansiranja članarine.
- (5) Korisnicima sredstava koji ne opravdaju dodijeljena sredstva na način predviđen stavom (4) ovog člana, obustavit će se dalja isplata.
- (6) Ukoliko korisnik sredstava obustavi sportske aktivnosti ili promijeni klub dužan je u roku od 15 dana o tome obavijestiti resornu Službu.

**III - PRELAZNE I ZAVRŠNE ODREDBE**

## Član 8.

Terminološka upotreba muškog i ženskog gramatičkog roda u Odluci podrazumijeva uključivanje oba spola.

## Član 9.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-7216/24  
08. marta 2024. godine  
Sarajevo

Predsjedavajući  
Općinskog vijeća  
**Mirza Selimbegović**, s. r.

Na osnovu člana 25. stav (7) i člana 39. stav (3) Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i člana 15. i 18. Statuta Općine Novi Grad Sarajevo ("Službene novine Kantona Sarajevo" broj 1/24), Općinsko vijeće Općine Novi Grad Sarajevo, na 33. sjednici održanoj dana 07.03.2024. godine, donijelo je

**ODLUKU****O PROVOĐENJU IZMJENA I DOPUNA  
REGULACIONOG PLANA "BRIJEŠĆE"**

–vodosnabdijevanje u dijelu ulice Safeta Ahmetpahića  
/Skraćeni postupak/

## Član 1.

Ovom Odlukom utvrđuju se način provođenja Izmjene i dopune Regulacionog plana "Briješće", vodosnabdijevanje u dijelu ulice Safeta Ahmetpahića, ( u daljnjem tekstu Izmjene i dopune Plana), u dijelu faze Hidrotehnika - Snabdijevanje vodom

i odvodnja otpadnih i oborinskih voda, te granice Izmjena i dopuna Plana.

## Član 2.

- (1) Granica obuhvata polazi od tačke br. 1 koja se nalazi na parceli k.č. 1113, a ima koordinate y=6526892, x=4857056, zatim produžava na sjever sijekuci parcele k.č. 1113, 1124, 4126/1, 1140/1, 1141, 1143/1, 1145/1, 1248/2, 1247, 1151/2 (koordinate prelomnih tačaka: br.2 y=6526874, x=4857069; br. 3 y=6526838, x=4857134; br. 4 y=6526825, x=4857149; br.5 y=6526858, x=4857181; br. 6 y=6526847, x=4857207) i dolazi do tačke br. 7 koja se nalazi na parceli k.č. 1247, sa koordinatama y=6526844, x=4857228. Granica izmjene nastavlja na istok, te jugozapad idući planiranom saobraćajnicom (ne obuhvata je), a koja ide preko parcela k.č. 1151/2, 1152/1, 1152/2, 1157/1, 1157/2, 1145/1, 1159/2, 1159/1, 1161, 945/6, 945/8, 945/1, 945/4, 945/5, 946/2, 946/1, 950/1, 946/1, 951/1, 951/6, 951/4, 963, 961/1, 961/2, 957/1, 957/2, 959/2, 4126/1, 1065/2, 1066, 1067, 1068, 1070, 1069, 1071, 1074/1, 1108, 1109/1, 1112/3, 1112/6, 1112/7 i dolazi do mjesta odakle je opis granice i počeo.
- (2) Sve gore navedene parcele se nalaze u K.O. Novo Sarajevo IV, Općina Novi Grad Sarajevo.
- (3) Površina obuhvata iznosi P=4,2 ha.

## Član 3.

Izmjenama i dopunama Plana, u dijelu Idejnog rješenja snabdijevanja vodom, utvrđeni su planski uvjeti za izmještanje distribucionog cjevovoda DN 200 mm iz zelene površine u javnu površinu (duž Planom rekonstruisane saobraćajnice Safeta Ahmetpahića), na način kako je to definisano tekstualnim obrazloženjem i grafičkim priložima 3. i 4.

## Član 4.

Izmjene i dopune Plana urađene su za fazu Hidrotehnika - Snabdijevanje vodom i odvodnja otpadnih i oborinskih voda, ostale faze Regulacionog plana "Briješće" ("Službene novine Kantona Sarajevo", broj 32/13, 4/15, 28/16, 26/18, 51/18, 2/19, 10/19) ostaju nepromijenjene.

## Član 5.

Za sve što nije regulisano ovom Odlukom, primjenjivat će se odredbe Odluke o provođenju Regulacionog plana "Briješće" ("Službene novine Kantona Sarajevo", broj 32/13, 4/15, 28/16, 26/18, 51/18, 2/19, 10/19).

## Član 6.

Po jedan primjerak Izmjena i dopuna Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo i KJKP "Vodovoda i kanalizacije" d.o.o. Sarajevo.

## Član 7.

Ova Odluka stupa na narednog dana od dana objavljivanja u "Službenim novinama Kantona Sarajevo".

Broj 01-02-7217/24  
08. marta 2024. godine  
Sarajevo

Predsjedavajući  
Općinskog vijeća  
**Mirza Selimbegović**, s. r.

